

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

**Zaključak o obustavi postupka pokrenutog
po Zahtjevu za pokretanje postupka podnesenom od strane
privrednog subjekata Poliklinika „Atrijum“ Sarajevo protiv
Skupštine Kantona Sarajevo**

**Sarajevo
septembar, 2013. godine**



Broj: 03-26-3-003-38-II/13
Sarajevo, 25.9. 2013. godine

Na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09), u postupku pokrenutom po Zahtjevu za pokretanje postupka privrednog subjekta Zdravstvena ustanova Poliklinika „Atrijum”, Džemala Bijedića 185, Ilidža, 71 000 Sarajevo, zastupana po punomoćnicima advokatima mr. Kenanu Ademoviću i Melihi Filipović, Čobanija 8, 71 000 Sarajevo, protiv Skupštine Kantona Sarajevo, Reisa Džemaludina Čauševića 1, 71 000 Sarajevo, radi utvrđivanja sprječavanja, ograničavanja ili narušavanja tržišne konkurencije iz člana 4. stav (1) tačke b) i c) Zakona o konkurenciji, zaprimljenog pod brojem: 03-26-3-003-II/13 dana 15. februara 2013. godine Konkurencijsko vijeće na 67. (šezdesetsedmoj) sjednici održanoj 25.9.2013. godine, je donijelo

ZAKLJUČAK

1. Obustavlja se postupak pokrenut po Zaključku o pokretanju postupka Podnosioca privrednog subjekta Zdravstvena ustanova Poliklinika „Atrijum”, Džemala Bijedića 185, Ilidža, 71 000 Sarajevo protiv Kantona Sarajevo: Ministarstva zdravstva Kantona Sarajevo, Reisa Džemaludina Čauševića 1, 71 000 Sarajevo, Zavoda za zdravstveno osiguranje Kantona Sarajevo, Ložionička 12, 71 000 Sarajevo i Skupštine Kantona Sarajevo, Reisa Džemaludina Čauševića 1, 71 000 Sarajevo, broj: 03-26-3-003-3-II/1, radi utvrđivanja postojanja povrede iz člana 4. stav (1) tačka a), b), c) i d) Zakona o konkurenciji, u dijelu koji se odnosi na Skupštinu Kantona Sarajevo, radi povlačenja zahtjeva.
2. Ovaj Zaključak je konačan i bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 15. februara 2013. godine, pod brojem 03-26-3-003-II/13 zaprimilo Zahtjev za pokretanje postupka (u daljem tekstu: Zahtjev) u smislu člana 28. Zakona o konkurenciji («Službeni glasnik BiH», br. 48/05, 76/07 i 80/09), (u daljem tekstu: Zakon), podnesen od strane privrednog subjekta Zdravstvena ustanova Poliklinika „Atrijum”, Džemala Bijedića 185, Ilidža, 71 000 Sarajevo, zastupan po punomoćnicima advokatima mr. Kenanu Ademoviću i Melihi Filipović, Čobanija 8., 71 000 Sarajevo (punomoć od 15.2.2013. godine), (u daljem tekstu: Podnosilac zahtjeva ili Poliklinika Atrijum), protiv Kantona Sarajevo: Skupštine Kantona Sarajevo, Reisa Džemaludina Čauševića 1, 71 000 Sarajevo, Ministarstva zdravstva Kantona Sarajevo, Reisa Džemaludina Čauševića 1, 71 000 Sarajevo i Zavoda za zdravstveno osiguranje Kantona Sarajevo, Ložionička 12, 71 000 Sarajevo radi utvrđivanja sprječavanja, ograničavanja ili narušavanja tržišne konkurencije odnosno utvrđivanja zabranjenih konkurencijskih djelovanja iz člana 4. stav (1) tačke b) i c) Zakona o konkurenciji.

U skladu sa članom 32. stav (2) Zakona, na 57. sjednici održanoj dana 4.4.2013. godine, Konkurencijsko vijeće je donijelo Zaključak o pokretanju postupka protiv Kantona Sarajevo: Ministarstva zdravstva Kantona Sarajevo, Reisa Džemaludina Čauševića 1, 71 000 Sarajevo, Zavoda za zdravstveno osiguranje Kantona Sarajevo, Ložionička 12, 71 000 Sarajevo i Skupštine Kantona Sarajevo, Reisa Džemaludina Čauševića 1, 71 000 Sarajevo, broj: 03-26-3-003-3-II/13 (u daljem tekstu: Zaključak), radi utvrđivanja postojanja povrede iz člana 4. stav (1) tačka a), b), c) i d) Zakona o konkurenciji.

Na usmenoj raspravi, koja je održana dana 18.9.2013. godine, u skladu sa članom 39. stav (4) Zakona, Podnosilac zahtjeva je izmijenio zahtjev na način da je isti povukao u dijelu koji se odnosi na Skupštinu Kantona Sarajevo, što je i utvrđeno Zapisnikom sa usmene rasprave od 18.9.2013. godine, broj: 03-26-3-003-33-II/13.

Na osnovu gore navedenog Konkurencijsko vijeće je donijelo Zaključak kao u dispozitivu.

Administrativna taksa

Podnosilac zahtjeva na ovaj Zaključak, u skladu sa članom 2. stav (1) tarifni broj 108. tačka b) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06 i 18/11) je dužan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovoga Zaključka nije dozvoljena žalba.

Nezadovoljna stranka može pokrenuti Upravni spor pred Sudom Bosne i Hercegovine u roku od 30 dana od dana prijema, odnosno objavlivanja ovoga Rješenja.

Predsjednica

Gordana Živković

Dostaviti:

- **Podnosiocu zahtjeva**
- **Skupštini Kantona Sarajevo**
- **u spis predmeta**
- **arhiv Konkurencijskog vijeća**